

سنه لکی درسعات ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تذکره محاکمات

داری دره قضاسی بدایت محکمه سی اعضا لغه
اخی چلی قضاسی بدایت محکمه سی اعضا سندن کامل
افندی

اخی چلی قضاسی بدایت محکمه سی اعضا لغه
خیره بولی قضاسی بدایت محکمه سی اعضا سندن علی
افندی

خیره بولی قضاسی بدایت محکمه سی اعضا لغه
اسقرار پار قضاسی بدایت محکمه سی اعضا سندن رفعت
افندی

اسقرار پار قضاسی بدایت محکمه سی اعضا لغه احمد
مختار افندی تعیین اولنمشر دره

تذکرات

اورمانلره متعلق دعاویدن طولای جزای نقدی به
محکوم اولوب بالاخره بو محکومیتی طقسان برکونی
تجاوز ایتمامک اوزره بهر ایکی بشلک ایچون برکون
حبسه تحویل اولنان اشخاص حقتده ایکنجی دفعه
ویریلان اعلامک دخی اورمان نظامنامه سنک اوتوز
برنجی ماده سنده کوسترلیدی اوزره اوچ ماه ظرفنده
اجرا اولندیغی صورتده منفسخ عد و اعتباری لازم
کلوب گلیه جکنک استفسارخی متضمن قسطمونی ولایتی
استیناف مدعی عمومیلکندن وارد اولان ۹ کانون اول
سنه ۳۲۲ تاریخی شقه ایله ملفوفی انجمن عدلیه به
لدی الحواله ذکر اولنان ماده نظامیه ده اورمانلره
متدائر دعاوینک مأمورین عائده سی جانبندن اوچ ماه
مدت ظرفنده اقامه سی قید و شرطی مندرج اولدیغی
کبی بعد الحاکمه لاحق اولان حکمک دخی مدت
مذکوره ظرفنده تنفیذی لازم کلوب بومدتک انقضای
سندن صکره حکم واقعک منفسخ اوله جنی مصرح
اولسنه نظراً دعاوی مزبورده نک نتایج محاکمه سی ناطق

تنظیم واعطا قلوب کرک جزای نقدی ایله تضمیناته
دائر و کرک نظامنامه مزبورک الی ایکنجی ماده
معدله سی منظوقجه محکوم به جزای نقدی بی تأدیهدن
وکفیل ارائه سندن عاجز اولانلرک طقسان برکونی
تجاوز ایتمامک اوزره بهر ایکی بشلک ایچون برکون
حبسی لزومه متدائر بولنان اعلانانک مدت معینه سی
ظرفنده تنفیذ اولندیغی صورتده احکام مندرجه سنک
منفسخ عد و اعتباری جای تردد و اشتباه اولیوب شو
قدرکه اورمان مأمورلری جانبندن بوقیل اعلانانک
انقضای مدتندن اول موقع اجرایه وضع اولنمشر برابر
مذکور ماده معدله نک جوازی دائره سنده مبالغ
محکوم بهانک تسویه سی کفالت ارائه سیله تحت تأمین
آلتسندن ناشی تقسیطه ربط اولنمش و یا خود ایلروده
دفعه تسویه ایتمک اوزره محکوم علیه مهل ویرلمش
ایسه برنجی تقسیطک وقت تأدیهدی حلونه وامهال
اولنانلر حقتده دخی بومدتک انقضاسنه انتظار معاملات
اجرائیه نک تأخیری طبعی و شواله کوره مأمورین
مومی الیهک بومدت ظرفنده تعقیب کیفیت ایتمک لرندن
طولای اعلامات مذکوره نک مرور زمان نقطه سندن
حکمسنر طوتلسی احکام قانونیه ایله قابل تألیف
اوله میه جنی بدیهی بولندیغندن احوال مماثلده وقت
تأدیهدنک حلوی و ویریلان مهلک انقضاسی تاریخلری
مرور زمان ایچون مبدأ اتخاذ اولنمشر بوندن اعتباراً
اوچ ماه ظرفنده تکرار بالمراجعه اجرای حکمی طلب
اولنمشر اعلانانک کذلک منفسخ عدیه تنفیذندن صرف
نظر اولنمشی ایجاب ایده جکی انجمن مذکور دن افاده
واولوجهل عدلیه نظارت جلیله سندن مذکور مدعی
عمومیلکه تبلیغ ماده قلمشدر .

محاکمات و مقررات

درسعات استیناف مدعی عمومیلکندنه :

مصره فرار ایلدیکی ادعاسیله مظنون علیه
اولوب غیر موقوف بولنان داخلیه نظارت

جلیله سی تسریع معاملات قومیسونی کتبه سندن
مختار بک اصول محاکمات جزائییه قانوننک مواد
مخصوصه سی احکامنه توفیقاً جنایت محکمه سنده
محاکمه سی اجرا قلمق اوزره عسکری جزا
قانوننک یوز اوتوز ایکنجی ماده سی موجبجه
جنایتله اتهامنه قرار ویرلدیکندن متهم مومی
الیهک هر نره ده کوریلورسه طوتیلوب محکمه
مذکوره توقیفخانه سنه تسلیمی لازم کله جکی
بالجمله ضابطه عدلیه مأمورلرینک معلومی اولمق
اوزره اشبو اخذ و گرفت مذکوره سی درسعات
هیئت اتهامیه سندن بالتنظیم اعطا قلمدی .

وارنه یه فرار و ارباب فسادده التحاق ایلدیکی
ادعاسیله مظنون علیه اولوب حال فرارده بولنان
قوندیره ماکنه جیسی طروس ولد کیانوسک
اصول محاکمات جزائییه قانوننک مواد مخصوصه
صه سی احکامنه توفیقاً جنایت محکمه سنده
محاکمه سی اجرا قلمق اوزره قانون جزانک الی
سکرنجی ماده سی موجبجه جنایتله اتهامنه
قرار ویرلدیکندن متهم مرقومک هر نره ده
کوریلورسه طوتیلوب محکمه مذکوره توقیفخانه
نه سنه تسلیمی لازم کله جکی بالجممله ضابطه عدلیه
مأمورلرینک معلومی اولمق اوزره اشبو اخذ
و گرفت مذکوره سی درسعات هیئت اتهامیه
سندن بالتنظیم اعطا قلمدی .

محکمه تمیز استدعا دائره سندن تنظیم واعطا
قلتان اعلامدر :

خداوندکار ولایتی هیئت اتهامیه سی ایل مدانیه قضایی بدایت محکمه سی جزا دائره سندن لاحق اولان قرارلرک یکدیگرینه میان اولم سندن دولای تعیین مرجع طلبی متضمن ولایت مذکوره استیناف محکمه سی مدعی عمومیلکندن ۱۱ کانون ثانی سنه ۳۲۱ تاریخلی تحریراته ارسال اولتان اوراق باش مدعی عمومیلک مأموریت بهیسنک ۸ شباط سنه ۳۲۱ تاریخلی تبلیغله مه سیله محکمه تمیز استدعا دائره سنه تودیع اولمغله قرائت ومطالع اولندی .

اوراق مرقومه مألیرنه نظراً مدانیه ده مقیم امین صالح افندی طرفندن قصه مرقومه دن احمد شکری ملا علینده اقامه اولتان افلاس دعواسی حقنده مدانیه تجارت محکمه سنده اجرا قلطان محاکمه ده حیلله مفلس اولدینی اکلایله ارق مستطقه کوندلرلش ومستطقلکجه دخی جنبه ایله لزوم محاکمه سنه قرار ویریلرک اوراق دعوی قضاء مذکور بدایت محکمه سنه تودیع ایدلش اولمغله جریان ایدن محاکمه فعل مذکور جنایت نوعندن کوردیلرک تکرار مستطقه اعاده ایدلش ومستطقلکجه اولوجهله ویریلان قرارنامه هیئت اتهامیه ده بالتدقیق مذکور قرارنامه نك بالفسخ جنبه درجه سنده اولدیغه دائر ویریلان قرار اوزرینه اوراق دعوی بتکرار بدایت محکمه سنه کوندلرلش و بدایت محکمه سنجه دخی مرقوملک حیلله مفلس اولدینی درجه ثبوتده بولدیغی بیانیله اوراقلک استیناف محکمه سنه ارسالنه قرار ویرلش وشو صورتله هیئت اتهامیه ایله بدایت محکمه سی مقرراتی یتنده حاصل اولان اختلاف تعیین مرجع صورتیه فصلی محکمه تمیزه عائد بولنلش اولدیغندن بمثلله مقتضای قانون سنک ایفاسی بیان واشعار ومارالذکر تبلیغنامه ده دخی هیئت اتهامیه نك فعلک جنبه نوعندن اولدیغه دائر اولان قراری موافق اصول وقانون اولسنه مبنی بوکا مابین بولتان محکمه مذکوره قرارینک تقضی لازم کله چکی انبا اولمشدر .

ایجابی لدی المذاکره محکمه تجارتیه مظنون شکری ملا نك حرکت واقعه سی هیئت اتهامیه جه جنبه وایشک حواله اولدیغی بدایت جزا محکمه سنجه ده جنایت نوعندن ایدوکی تحت قراره اولم سندن ناشی نوع جرم حقنده هیئت اتهامیه ایله محکمه مذکوره مقرراتی آرسنده حاصل اولان اختلاف فصلی ضمتنده اوراق متعلقه تعیین مرجع طریقله محکمه تمیزه سوق ایدلش اولسنه کوره تمیزاً تدقیق اولسه حق جهت اختلاف واقعه متفرع اولمق طبیعی وذات ماده نك مسائل

حقوقیه دن اولوب اولدیغنک بعده مرجعجه جریان ایده جک محاکمات انناسنده تعیین و تقدیری مقتضی بولنلش وتحقیقات جاریه دن استنباط اولتان نتایجیه نظراً مظنون مزبورک درمیان ایدیلان فعل و حرکتک تعیین مرجع نقطه سندن جنبه درجه سنده عد و اعتباریه امر تدقیق ومحاکمه سنک سالف الذکر بدایت محکمه سنجه اجراسی اصول محاکمه ایجاباتنه موافق کورنلش اولدیغندن اصول محاکمات جزائییه قانوننک درتیز اون سکرنجی ماده سی حکمنه توقیفاً اولوجهله مقتض سنک ایفاسی ضمتنده اوراق محله اعاده سنه ۶ مارت سنه ۳۲۲ تاریخنده متفقاً قرار ویرلدی .

رژری قویلارندن مظلوم زاده حاجی حنفی قتل قصدیه جرح ایلدیکی ادا اولم سندن دولای جنایتله اتهام اولتان سراج صدیق بن محمدک اوج سنه مدتله کورکه قولسنه دائر چوروم سنجاغی بدایت محکمه سی جزا دائره سندن اعطا قلطان ۵۹ نومرولی اعلام قاضی اوغلی عزتک کیفیت قتلدن دولای جنایتله اتهام اولتان آیدینی حسینک اون بش سنه مدتله کورکه قولسنه دائر انقره ولایتی استیناف محکمه سی جزا دائره سندن ایکنجی دفعه اوله ارق اعطا قلطان ۲۳۲ نومرولی اعلام

سیمون اوغلی واسیلک کیفیت قتلدن دولای جنایتله اتهام اولتان زورناجی طناش نام شخصک اون بش سنه مدتله کورکه قولسنه دائر جانیک سنجاغی بدایت محکمه سی جزا دائره سندن اعطا قلطان ۸۸ نومرولی اعلام

پدری مانده لی خرالامبو پاپاده لی قتل ایلدیکی ادا اولم سندن دولای جنایتله اتهام اولتان پانقو پاپاده لیک اون بش سنه مدتله کورکه قولسنه دائر مدلی سنجاغی بدایت محکمه سی جزا دائره سندن اعطا قلطان ۸۳ نومرولی اعلام

زوجه سی آسینه نك بروخی قطع وتعلیل ایلدیکی ادا اولم سندن دولای جنایتله اتهام اولتان امین بن عاینک اون سنه مدتله کورکه قولسنه دائر درسعادت جنایت محکمه سندن اعطا قلطان ۱۸۱ نومرولی اعلام عارف اوغلی سلیبی قتل ایلدیکی ادا اولم سندن دولای جنایتله اتهام اولتان ابراهیم بن محمودک اون بش سنه مدتله کورکه قولسنه دائر قرق کلکسا سنجاغی بدایت محکمه سی جزا دائره سندن اعطا قلطان ۳۸۷ نومرولی اعلام محکمه تمیز جزا دائره سنجه تصدیق قلنمشدر .

درسعادت جنایت محکمه سندن تنظیم واعطا
قلتان اعلامدر :

اوجوز یکرمی ایکی سنه سی جزیراننک اون طقوزنجی صالی کیجه سی ساعت ایکی راده لرنده بک اوغلنده پرابالاس اولنک آرقه جهتنده یورکی به تشهر سلاح ایله اچهنی سرقه تصدی ایلدیکی اداسیله مظنون علیه اولان طاطاوله ده اقامتله قوندیره جیلک ایدن یکرمی بش یاشنده یونانستانک قالیری قصه سنده متولد نیقولی ولد یانینک جنایتله اتهامنه دائر هیئت اتهامیه دن تنظیم قلطان مضبطه ایله استیناف مدعی عمومیلک ۸ شباط سنه ۳۲۲ تاریخ و ۱۰۴۳ نومرولی اتهامنامه سی اوراق متفرعه سیله معاً محکمه جنایتله تودیع قلنمغله بالمطالع تفصیلاتی اولباده طویلان ضبطنامه دن مستبان اوله جنی اوزره اصول محاکمات جزائییه قانوننک باب ثانیسنک فصل رابنده محرر اولان معاملات ابتدائییه بعد الا یفا متهم یونانی نیقولنیک اجرای محاکمه سی ایچون ۳۲۳ سنه سی مارتک یکرمی ایکنجی کونی تعیین قلندی .

یوم مذکورده متهم مرقوم علی الاصول توقیفخانه دن کتوردیلرک وکیل یانقو قیا افندی واستیناف مدعی عمومی معاو نلرندن عزتلو بهجتک ویونان قیچالاریه سی ترجمانلرندن موسیو قسانتولیو ومدعی شخصی یورکی ومتهم نیقولی لسان ترکی به آشنا اولدیغی سولسیله مع التحلیف ترجمان تعیین قلطان صاتییه ده مقیم یکرمی اوج یاشنده آستانه لی قیوجی دیستوقلی افندی ولد یورکی موقع مخصوصلرنده حاضر اولدقاری حالده محاکمه سالوننه چقیله ارق محاکمه علیه ووجهیه مباشرتله متهمک هوخی بالتدقیق استیجواب ضبطنامه سنده محرر اولدینی وجهله تعیین ایتدکن ومتهم مرقوم ایله وکیل موسی الیه اخطارات لازمه قانونیه ایفا قلندقدن صکره هیئت اتهامیه مضبطه سی واتهامنامه ضبط کاتبی علی صائب افندی طرفندن قرائت اولندی .

مضبطه ده مظنون علیه شالواره نیقولنیک یورکی به قتل قصدیه تشهر سلاح ایله اچهنی سرقه تصدی ایلش اولم سندن طولای اتهامنه اوراق تحقیقییه محرر دلائل وامارات کافی کورلش وحرکتی قانون جزانک ایکیزو یکرمی برنجی ماده سی حکمنی مستلزم افعال جنایتیه دن برلش اولدیغندن مرقومک اولوجهله جنایتله اتهامنه قرار ویرلیدی محرر واتهامنامه ده دخی نیقولنیک مضبطه مذکوره مندرجاتی وجهله اتهام ایدلیدی مسطرور .

اتهامنامه نك خلاصه سی جانب ریاستدن لسان ترجمانی واسطه سیله متهم نیقولی به تفهیم وانبامعاون

موسی الیه جانبندن دخی تشریح دعوی اولم سنی معقب عند المسائله متهم مرقوم وقعه کیجه سی انکلیز سفارتخانه سی آرقه زقاغندن کیمتکده ایکن مصادف اولدینی مدعی شخصی یورکی بلا سبب کندوسنی ضابطه به دردست ایتدیردیکنی وکرچه اوزرنده کیر بیچاق بولمغده ایدیه ده یورکی به تشهر ایتدیکنی بیان و عند الاستیضاح مذکور بیچاق کندوسنک اولمیوب طاطاوله ده شرتجی زقاغنده کی قهوه جی دیمتیدن اون بش غروش مقابلنده رهن اوله ارق الدیغی ووقتک عدم مساعده سنه مبنی اقامتکانه برافه مدیغی ووقعه کیجه سی غلطه دن طوغری کلکیده ایدوکی ومدعی شخصی یورکی برعمو خخانه ده خدمتجی اولدیغندن وکندوسیده مرقومک مستخدم اولدینی عمو خخانه نك پنجره سی جاملری قیردیغندن طولای مرقوم یورکینک افترا ایتکده اولدیغی ومقدما یورکی ایله منازعه لری سبق ایتدیکنی علاوه درمیان ایلدی .

مدعی شخصی یورکی مذکور کیجه سفارتخانه آرقه سنده کی زقاغندن کیمتکده ایکن متهم نیقولی حامل اولدینی کیر قالیله اوکته چقه ارق وقای کوکسنه طایه ارق کندوسندن پاره ایستدیکی وبصره ده واقع اولان استمدادینه ضابطه مأمورلری یتیشه رک کندوسنی قورتاردق لری اخبار وکیمتکده اولدیغی یول تنها اولدیغی ومتهمی اوزاقدن طاتور ایسه ده کوریشمز ایدوکی علاوه تذکار ایلدی .

علی هذا ضابطه عدلیه تقریری اوقوتدیرلدی ۱۹ جزیران سنه ۳۲۲ تاریخلی اولان مذکور تقریرده اشبو صالی کیجه سی ساعت ایکی راده لرنده پرابالاس اولنک آرقه جهتندن استمدادکارانه برفریاد وقوعه کلدیکی حال باشی موقعنده مستخدم پولیس صادق افندی طرفندن استماع اولم سنی اوزرینه درحال کیدیلرک قوندیره جی نیقولی ولد یانینک الده کیرجه قما اولدینی حالده بلبل دره سی ساکنلرندن یورکینک یقاسنه صارلدیغی وبورکینک دخی فریاد ایتدیکی کوریلرک مرقوم نیقولی قاسیله دردست وبورکینک افاده سنه مراجعت اولندقدن وقت مذکورده غلطه دن خانه سنه کیمتک اوزره محل مذکوردن مرور ایتکده ایکن نیقولی بردنبره اوکته چقه ارق حامل اولدینی یقاسنی کشیده ایدوب اچهنی غصب ایتک اوزره یقاسنه صارلدیغی وواقع اولان فریادنه قول هیئتی کلهرک مرقومی دردست ایتدیکنی بیان وکیفیت نیقولیدن صورلدقدن برایش بولق ونجشبه بازارینه کیمتک اوزره محل مذکوردن کیمتکده ایکن برشخصک سکرحال اوله ارق اوزرینه دوشمسلیه مرقومی ایتوب وورده طوقات آندینی وقما کشیده ایتدیکی کی مرقومک

اچهنی دخی غصبه تشبث ایلدیکنی وقادخی کندوسنک اولدیغی ایتان ایلدکاری مندرج بولمشدر . قرائت اولتان اوراق مندرجاتیه مدعی شخصینک افاده سنه قارشو نه دیه چکی متهم نیقولیدن صورلدقدن مرقوم ترکیه اوله ارق افادات سابقه سی تکرار ایلدی . مدعی عمومیلک مقامندن معطی شهود بوسله سنده اسامیسی محرر اولوب دعوت واقعه به اتباعاً ورود ایتدیکی خبر ویریلان بک اوغلی متصرفلک دائره سنده مستخدم ۱۹ نومرویه مفید پولیس چاوشی اوتوز ایکی یاشنده اشقودره لی صادق افندی ابن محرم حضور محکمه به چقیلرله ارق لدی السؤال طرفینه قرابت ومناسبت وخصومتی اولدیغی ومرقومانی وقعه دن طولای طانیدیغی سولیکه اصولاً تحلیف بعدالاجرا استماع اولندقدن کیجه ساعت ایکی راده لرنده حال باشی قره غولخانه سی اوکسنده طورمقدمه ایکن متهم نیقولی ایل مدعی شخصینک مرور ایتکده ونیقولنیک اگر باره ویرمن ایسه ک سنی اولدیردچکم دیمکده اولدیغی مشاهده واستماع ایتسیله هان آرقه لرندن قوشوب مرقومانی دردست ایتدیکنی ونیقولنیک التنده برقا بولسیدیغی وقانک دخی یالین ایدوکی کوردیکنی افاده مضبوطه استنطاقیه سنه موافق صورنده بیان و عند الاستیضاح کندوسی کلبنک کوشه سنده بولندیغندن متهمک سرقه تشبثنده کندوسنی کورماش ایدوکی وطاطاوله به متهمک دردست اولدیغی محلندن دخی کیدیلور ایسه ده اوزاق دوشر اولدیغی علاوه درمیان ایلدی .

دائرة امانتدن کتوردلش وناملیسی برآر شون طولنده بولنلش اولان کیر بیچاق اولامتهمه بعده شاهد صادق افندی به ارانه وسؤال اولندقدن متهم کندوسنده امانه بولان قاناک بو اولدیغی وصادق افندی دخی متهمی دردست ایتدک لری ائنده یدنده یالین اوله ارق کوردک لری قاناک بو اولدیغی سولیدیلر . ضابطه عدلیه تقریرینک ظهرنده متهم نیقولنیک برسرقت ماده سندن طولای برسنه مدتله حیسبه محکوم اولدینی کوسترلش اولمغله متهمه اکلادلدقدن مرقوم کذلک ترکیه اوله ارق بر ساعتک اخذوسرقتدن طولای کندوسنه افترا ایتدک لرندن برسنه به محکوم اولوب مدتی اکل ایله چقیدیغی افاده ایلدی .

ادعا شهودندن اسماعیل حقنده تحری مذکره سی اسطار اولندیغی حالده کلدیکی وبرجواب دخی ورود ایتدیکی اکلایمغله معاون موسی الیهک طلیله شاهد مرقوم حقنده کی تحری مذکره سنک تأکید قرارکیر اوله ارق بناء علیه اکل محاکمه یوم آخره تعلیق قلندی .

سنه مرقومه نیساننک التنجی پنجشنبه کونی متهم نیقولی علی الاصول توقیفخانه دن کتوردیلرک وکیل ومعاون وترجمان موسی الیهم حاضر اولدقاری حالده محاکمه علیه به مداومت ومدعی شخصی یورکی به جنبنامه تبلیغ ایلدیکی حالده ورود ایتدیکی اجلدن معاون موسی الیهک طلیله مدعی مرقومک غیابنده رؤیت محاکمه قرارکیر اوله ارق اکلادلدقدن صکره هیئجه قسماً تبدل وقوعنه مبنی ضبط سابق لدی القرائه صحت مندرجاتنک طرفندن تصدیقه مبادرت اولندی . (بقیه سی کله جک نسخه به)

دیمترینک قوزی سرقت ایلدیکی ثابت اوله مدیغندن برائته

استاورینک عبد اللهک اچهنی سرقت ایتدیکی اکلایله مدیغندن برائته

یانی ایله واسیلک یکدیگرینی ضرب ایلدکاری ثابت اوله مدیغندن برائتینه

محمودک ابراهیمی ضرب ایتدیکی ثابت اوله مدیغندن برائته آتته نك الی ایکی مجیدیه سی طولاندیردیغی تین ایدن آینه لی چشمه ده ساکن یانینک بریچی سنه مدتله حبسیله برابر ایکی آتون جزای نقدی اخذینه ومذکور الی ایکی مجیدیه نك بالتحصیل مدعی به اعطاسنه

اکسته فونی ضرب وجرح ایدن قفسجی زقاغنده ساکنه دومیندن اوج آتون اخذیه مضروب اعطاسنه سلیمان افندی نك خانه سی جاملری قیردیغی تین ایدن طوخناده قره باشد ساکنه ملک خاتمدن اون بشلک جزای نقدی اخذینه

آنجی لامبونک جاملری قیردیغی تین ایدن خبری افندی دن اون بش بشلک جزای نقدی اخذینه بک اوغلی بدایت محکمه سی جزا دائره سنجه قرار ویرلشدر .

محاکمات انتدابیه

بالا قضایی نائب و بدایت محکمه سی رئیس سابق جلال ومحکمه مذکوره اعضا سندن مستطلق محمد ومدعی عمومی معاونی وکیل سابق حامی ومستطلق معاونی عثمان افندی لک خلاف قانون منع محاکمه قراری اتخاذی صورتیه وظیفه مأموریتلری سوه استعمال ایلدک لری انقره وقونیه ولایتلری عدلیه مقتضایکندن وارد اولان اوراق تحقیقیه محتویانندن مستبان اولسنه مبنی محاکمه آتته آلملرینه عدلیه نظارت جلیله سنجه مآذونیت

ويريلهرك محله تبليغات مقتضيه اجرا ورئس مومى-
اليهك كيفيت محاكمه سندن طرف على مشيختناهي يهده
معلومات اعطا ايدلشدر .

اعلانات

انجمن اداره عدليه

عدليه نظارت جليله سى سجل مأمورين مديريتى
اوطه سيله محكمه تميز جزا ومحكمه استيناف حقوق
ودرساعات بدايت محكمه سى برنجى جزا دائره لرى
واسكدار بدايت محكمه سى مستنطق اوطه سى
مفروشانتك قسماً تجديدى موقع مناقصه وضع
اولنوب شهر حال رومينك اوتوزنجى چهارشنبه كوني
قرار موقتى و حزينانك التتجى چهارشنبه كوني دخی
يوزده اوچ تنزيلات قبوليله قرار قطعيلى اعطا قلنه-
جغندن مفروشات مذكوره ني اعطايه واعماله طالب
اولان وشرائطى اكلامق ايستينلرك جمعه وپازاردن
ماعداهر كون ساعت بشدن اونه قدر تأمينات اچقيلرى
مستصحباً محاسبه ويا انجمن اداره عدليه مراجعت
ايللى اعلان اولنور .

ايكنجى تجارت محكمه سنده :

قاضى كوينده اسكه جاده سنده دكاننده مقيم
اولوب قصابلق تجارتيله مشغل مينا ميچاسينك ۲۲
مايس سنه ۳۲۳ تاريخندن اعتباراً اعلان افلاسنه
ومصالح افلاسيه نك رؤيت وتسويه سى ضمننده اعضاى
محكمه دن عزتو صادق بكك ژورقوميسر ودعوى
وكيللرندن پانده لاكى ميخائيليدى افنديك موقت
سنديك تعيينلرينه ومغازه سيله اموال تجاريه واشياى
زائده بيتيه سنك تمهيريته واوراق ودفاترينك جلبه
وكفالت مصدقه اراه ايدمهديكى تقديرده حبس
وتوقيفه وبوبابدهكى قرارك موقتاً اجراسنه ايكنجى
تجارت محكمه سنجه قرار ويرلمش اولديغندن قانوننامه
تجارتك ۱۷۰ نجى ماده سى موجبجه دائمي سنديكلر
اتخاب اولنق اوزره اشبو ۳۲۳ سنه سى حزينانك
التتجى چهارشنبه كوني ساعت التى راده لرنده اصحاب
مطلوبك محكمه نك افلاس معاملاتنه مخصوص اوطه سنه
كللى اعلان اولنور .

محكمه تجارت اجرا دائره سنده :

يونان دولتى تبعه سندن بهال طومه ومخدومك
حكمت سعيده خاتم ذمتنه برنجى محكمه تجارت
اعلاميله محكوم به اولان الاجنك تسويه سيچون

طوپخانه ده قره باش محله سنده طوپچيلر جاده سنده
اوپوز طقسان وقصابلر زقاغنده اون ايكنى نومرولر
ايله مرقم مقدا ايكنى باب واليوم شهرى اوچ بچق ليرا
ايجار كتورر فوقنده ايكنى اوطه ومشمولات سائره ني
حاوى بر باب كاركير دكانده مستقر قصاب كدكنده
يوز يكرميشر سهم اعتباريله مديونه مومى اليها سعيده
خانمك متصرفه اولديغى اون يديشر بچق حصه سى
اشبومايس رومينك يكرمى التتجى جمعه ايرتسى كونندن
اعتباراً اون بش كون صكره موقع مزايديه قونيله-
جغندن اشتراسنه طالب اولانلرك ودها زياده معلومات
آلق ايستينلرك محكمه تجارت اجرا دائره سنه مراجعت
ايللى دائره مذكوره دن اعلان اولنور .

على اغانك اينكجى حاجى ابراهيم اغا ذمتنده
ايكنجى تجارت محكمه سى اعلاميله محكوم به مطلوبى
اولان مبالغ معلومه نك تأمين استيفاسى ايچون مديون
مرقومك نشان طاشنده طاش اوجاقلرنده بلا نومرو
ماندرده موجود اولوب محجوز بولنان وفروختى
قرار آلتته آلتان اوچ رأس صاغمال قريم اينكى
تاريخ اعلاندن اعتباراً اوچ كون صكره يعنى مائس
رومينك يكرمى طقوزنجى صالى كوني ساعت
اوچده بالمزايده فروخت اولنه جغندن اشتراسنه
طالب اولانلرك يوم ووقت مزبورده مذكور ماندره
پيشكاهنده حاضر بولنلرى محكمه تجارت اجرا
دائره سندن اعلان اولنور .

درساعات معلومات نظاميه اجرا دائره سنده

صراف علكسينك با اعلام نظامى منور خانم
ذمتنده محكوم به آله جغندن طولاني مديونه نك
والده سندن منتقل اكرى قوده حاجى الياس محله سنده
طوپراق زقاغنده تخميناً ايكيوز اوتوز آرشون ايكنى
نومرولى خانه باغچه سى نصفك تاريخ اعلاندن اعتباراً اون
بش كون صكره بالمزايده فروخته تشبث اولنه جنى
درساعات اعلامات نظاميه اجرا دائره سندن اعلان
اولنور .

ايكنجى بايت محكمه سى اجرا دائره سنده

كراسته جى اشرف افنديك مصطفى افدى ذمتنده
با اعلام محكوم به اولان آله جغتك تأمين استيفاسى
ضمننده مديون مومى اليهك مجدداً اعمال ايتديرمش
وهنوز ايكنى تكرلكى اكال ايدلامش بولنان محجوز
بر عدد تنه آرابه سى شهر حزينان رومينك برنجى
جمعه كوني ساعت ايكيدين دزده قدر اسكدارده اسب
پازارنده مأمورى مواجهه سنده بالمزايده فروخت

اولنه جغندن اشتراسنه طالب اولانلرك يوم ووقت
مزبورده محل مذكوره حاضر بولنلرى اسكدار
بدايت محكمه سى اجرا دائره سندن اعلان اولنور .

بررسه تجارت محكمه سنده :

بروسه ده اوزون چارشوده مقيم ايكنى خداوندكار
ولايتى مركز تجارت محكمه سندن افلاسنه حكم ايدلمش
اولان تحفجى آپوستول ديموتئوسك خصوصات
افلاسيه سنك رؤيت وتسويه سى ضمننده دعوى وكيللر-
ندن ميقاتل ومقصود چادر جيان افنديلر اصالة سنديك
تعيين قلنمش اولدقيلرندن مفلس مرقوم ذمتنده اله جنى
اولانلرك قانوننامه تجارتك ۱۹۹ و ۲۰۰ نجى ماده لرى
موجبجه تحقيق ديون ايچون تاريخ اعلاندن اعتباراً
اون بش كون ظرفنده سنداتى محكمه كاتنه تسليم
ايللى ومدت مذكوره ختامندن صكره اوچ كونده
يعنى اوچيوز يكرمى اوچ سنه سى شهر حزينانك
دردنجى وبشنجى والتتجى كونلرى محكمه نك مصالح
افلاسيه رؤيته مخصوص اوطه سنه كلهرك سنديك
افنديلر مواجهه سنده آله جقيلرى اثبات وقيدوتصديق
ايتديرملرى ومدت مذكوره اثبات وجودايدمه ميان آله
جقيلر حقتنه قانون مذكورك ۲۱۰ نجى ماده سنده
توفيقاً ايفاي معامله اولنه جنى اعلان اولنور .

بفءاد تجارت محكمه سنده :

بغدادك تكيه التى محله سنده مقيم تجارندن اليهاو
اسحاق عزره دلالك مبدأ عجزى بالآخره تين
ايدم جك حاله كوره تعيين واعلان اولنق اوزره
ضبطنامه سنده محرر اسباب قانونيه مبنى رأساً اعلان
افلاسنه ومصالح افلاسيه نك رؤيت وتسويه سى ضمننده
اعضاى محكمه دن كامل افنديك ژورقوميسر ودعوى
وكيللرندن سليمان فائق وكروب ستپان ومنشى حكيم
افنديلرك موقت سنديك تعيينلرينه ومغازه سيله اشياى
زائده بيتيه سنك تمهيريته واوراق ودفاترينك جلبه
وكفالت مصدقه اراه ايدمهديكى تقديرده حبس
وتوقيفه وبوبابدهكى قرارك موقتاً اجراسنه بغداد
تجارت محكمه سنجه قرار ويرلمش اولديغندن قانوننامه
تجارتك ۱۷۰ نجى ماده سى موجبجه دائمي سنديكلر
اتخاب اولنق اوزره دايينلرك ۳۲۳ سنه سى مائسك اون
يدنجى بخشبه كوني ساعت درت راده لرنده محكمه
مذكوره نك مصالح افلاسيه رؤيته مخصوص اوطه سنه
كللى اعلان اولنور .